

**Prego de prescricións técnicas da contratación administrativa para a subministración de gas natural á Administración do Parlamento de Galicia.**

**I. OBXECTO DO CONTRATO**

É obxecto deste prego de prescricións técnicas o establecemento das condicións que rexerán a contratación da subministración de gas natural da edificación de titularidade do Parlamento de Galicia.

**II. CARACTERÍSTICAS TÉCNICAS DA SUBMINISTRACIÓN**

O Parlamento de Galicia conta cunha instalación de calefacción abastecida por gas natural coas seguintes características:

Punto de subministración: *edificación de titularidade do Parlamento de Galicia*

Enderezo: *rúa do Hórreo 0063 LOCAL 1, CP 15701, Santiago de Compostela*

C.U.P.S.: *ES0224050005854972ZW*

Tarifa peaxe: *3.4P* (Puntos de subministración con consumo > 100.000 kWh/ano)

Nivel de presión de deseño do gasoduto:  $\leq 4$  bar

Número contador: *75029282*

Perfil de consumo: Detállanse no seguinte cadro os datos de consumo en kWh e m<sup>3</sup> para o período comprendido entre 18/12/2013 e 13/02/2017:

Período de facturación	Consumo m <sup>3</sup>	Consumo en kWh
18/12/2013-22/01/2014	14.810	163.428
22/01/2014-19/02/2014	17.615	200.194
19/02/2014-19/03/2014	11.501	130.111
19/03/2014-21/04/2014	11.078	124.251
21/04/2014-22/05/2014	5.797	64.584
22/05/2014-0/06/2014	3.025	33.529
20/06/2014-23/07/2014	0	0
23/07/2014-22/08/2014	0	0
22/08/2014-22/09/2014	1	11
22/09/2014-22/10/2014	2.075	23.452
22/10/2014-12/12/2014	16.536	185.650
12/12/2014-12/01/2015	16.140	180.316
12/01/2015-12/02/2015	15.470	174.842
12/02/2015-12/03/2015	12.829	144.365
12/03/2015-13/04/2015	8.156	93.533
14/04/2015-12/05/2015	3.404	39.017
13/05/2015-12/06/2015	994	11.472
13/06/2015-13/07/2015	0	0
14/07/2015-12/08/2015	0	0
13/08/2015-11/09/2015	427	4.945
12/09/2015-13/10/2015	4.767	53.829
14/10/2015-12/11/2015	7.879	89.025
13/11/2015-11/12/2015	9.741	110.122
12/12/2015-12/01/2016	12.520	142.628
13/01/2016-12/02/2016	14.955	171.444
13/02/2016-11/03/2016	11.796	135.890

12/03/2016-12/04/2016	16.403	188.438
13/04/2016-12/05/2016	6.933	79.619
13/05/2016-10/06/2016	0	0
11/06/2016-12/07/2016	0	0
13/07/2016-12/08/2016	0	0
13/09/2016-13/10/2016	2.628	29.746
14/10/2016-11/11/2016	7.877	88.616
12/11/2016-13/12/2016	15.251	171.025
14/21/2016-12/01/2017	11.361	127.789
13/01/2017-13/02/2017	16.111	182.409

Cadro 1. Perfil de consumo de gas natural entre o 18 de decembro de 2013 e o 13 de febreiro de 2017.

### III. MODALIDADE DE CONTRATACIÓN E AVALIACIÓN DO CUSTO

A subministración obxecto desta contratación atópase dentro do conxunto de actividades enerxéticas liberalizadas. Neste sentido será de aplicación a normativa legal que, a partir da Lei 34/1998, do 7 de outubro, do sector de hidrocarburos, e sucesivas modificacións, dá corpo ás normas de funcionamento e procedemento da comercialización do gas.

Observarase o que dispón a seguinte normativa:

- Lei 15/2012, do 27 de decembro, de medidas fiscais para a sustentabilidade enerxética, en relación coa aplicación do imposto de hidrocarburos.
- Lei 16/2013, do 29 de outubro, pola que se establecen determinadas medidas en materia de fiscalidade medioambiental e se adoptan outras medidas tributarias e financeiras.
- Real decreto 1041/2013, do 27 de decembro, polo que se modifica o Regulamento dos impostos especiais, aprobado polo Real decreto 1165/1995, do 7 de xullo, e se introducen outras disposicións en relación cos impostos de fabricación e o imposto sobre o valor da produción da enerxía eléctrica.
- Lei 18/2014, do 15 de outubro, de aprobación de medidas urxentes para o crecemento, a competitividade e a eficiencia.
- Orden ETU/1977/2016, do 23 de decembro, pola que se establecen as peaxes e canons asociados ao acceso de terceiros ás instalacións gasistas e a retribución das actividades reguladas para 2017.

O importe de facturación mensual será o correspondente á enerxía medida no contador disposto para o efecto, e corrixiranse, se é o caso, os m<sup>3</sup> medidos cos valores de presión, temperatura e factor de compresibilidade nas condicións de medida estipuladas legalmente. O poder calorífico superior que se aplicará ás facturas será o facilitado polo xestor técnico do sistema. A empresa subministradora informará periodicamente na facturación do valor do factor de conversión empregado.

1) O adxudicatario facturará mensualmente os consumos de gas natural realizados. As facturas serán remitidas ao Parlamento de Galicia, rúa do Hórreo nº 63 (15701), de Santiago de Compostela.

As facturas emitidas deberán conter toda a información necesaria para a súa correcta interpretación. Entre outros:

- Nome do centro
- CUPS
- Número de subministración
- Período facturado
- m<sup>3</sup> consumidos
- kWh resultantes

- Factor de conversión do poder calorífico
- Prezo de facturación aplicable, con especificación do termo fixo (euros/mes) e o termo de enerxía ou variable (euros/kWh).
- Prezo de alugamento do equipo de medida
- Imposto especial de hidrocarburos
- IVE aplicable
- Valores de Brent (Brent603) e tipo de cambio (TC303) aplicables na fórmula do termo de enerxía ou variable, así como o seu período de vixencia
- Referencia ás variacións dos compoñentes regulados polo órgano regulador na respectiva orde ministerial sobre canons, peaxes e tarifas de acceso
- Importe total da factura

2) No caso de que for precisa a substitución do equipo de medida ou do contador metrolóxico actual de gas, o Parlamento procederá ao seu alugamento. O adxudicatario será o responsable das xestións necesarias ante a distribuidora para a súa instalación, funcionamento e mantemento, así como das reparacións que sexa necesario realizar para o correcto funcionamento destes. Neste caso, o adxudicatario incluírá na factura mensual correspondente o importe repercutido pola empresa distribuidora responsable da súa instalación, funcionamento e mantemento.

3) Conxuntamente coa factura informarase mediante unha táboa dos prezos dos servizos correspondentes aos valores aplicados para cada un dos coeficientes variables e fixos empregados na determinación da estrutura do prezo (o termo fixo e o termo de enerxía indexado ao valor do barril Brent, tipo de cambio euro/dólar USA, e os tres coeficientes constantes). No momento de producirse cambios dalgúns destes valores, así como de posibles cambios regulatorios nos prezos de tarifa, peaxe ou calquera outro que modifique o prezo final, a empresa adxudicataria comunicarálo á Administración do Parlamento de Galicia, indicando como queda cada un dos valores que se aplican na determinación final do prezo conforme o exixido no punto cuarto do cadro de especificacións do prego de cláusulas administrativas e anticipando por correo electrónico a dita información.

#### **IV. CALIDADE DA SUBMINISTRACIÓN**

O adxudicatario debe cumprir os requisitos establecidos na Lei 34/1998, do 7 de outubro, do sector de hidrocarburos, e en posteriores decretos en canto á calidade na subministración. O adxudicatario garantirá a subministración de gas en forma e calidade as 24 horas do día durante os 365 días do ano.

O gas natural entregárase á presión que estableza en cada momento a normativa.

Para poder definir en concreto a calidade do servizo da subministración do gas natural teranse en conta, como parámetros fundamentais:

- O número e duración de posibles interrupcións.
- As actuacións de información, asesoramento, contratación, comunicación e reclamación da empresa adxudicataria coa Administración parlamentaria. O adxudicatario deberá informar ao responsable do contrato coa periodicidade necesaria sobre distintos aspectos do funcionamento e calidade dos servizos.
- O licitador deberá incluír na súa oferta os casos hipotéticos nos que podería suspender a subministración. De darse algunha destas hipóteses, a suspensión da subministración deberá comunicarse cunha antelación mínima de 72 horas.

A empresa adxudicataria disporá dun servizo técnico ante avarías que debe garantir a asistencia telefónica as 24 horas e a presencial nun prazo máximo de 12 horas para solucionar os posibles problemas que poidan aparecer nesta subministración os 365 días do ano. Todos os avisos terán a consideración de «urxentes».

Será responsabilidade exclusiva do adxudicatario a tramitación ante a compañía distribuidora de todas as cuestións relativas á obtención e mantemento dos valores mínimos de calidade da subministración. A empresa adxudicataria, como asinante do contrato e de pólizas de acceso á

rede, actuará ante a empresa distribuidora por calquera incidencia ou incumprimento que se produza en relación coa calidade da subministración. Os descontos regulamentarios que se apliquen por incumprimentos da calidade do servizo por parte da empresa distribuidora serán directamente repercutidos na facturación pola empresa adxudicataria ao Parlamento de Galicia.

#### **V. RESPONSABILIDADE AMBIENTAL**

O contratista está obrigado e é responsable do cumprimento das disposicións vixentes en materia de protección ambiental e materias relacionadas.